

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
Ministarstvo poljoprivrede, vodoprivrede i šumarstva**

**PROGRAM UTROŠKA SREDSTAVA IZ BUDŽETA SBK/KSB ZA 2025.
GODINU (tekući transferi drugim nivoima vlasti i fondovima –
poticaji veterinarstvu-zakonske obaveze)**

Travnik, 2025 .godine

Podaci o Programu

1. Program je usvojen: na _____ sjednici Vlade Srednjobosanskog kantona održanoj _____ 2025. godine.
2. Period realizacije Programa: tokom 2025. godine
3. Ukupna vrijednost Programa: **100.000,00 KM**
4. Svrha Programa: Pomoć jedinicama lokalne samouprave u provođenju mjera zbrinjavanja napuštenih životinja
5. Korisnici Programa: Niži nivoi vlasti i mjesna samouprava u jedinici lokalne samouprave (mjesne zajednice), sa mogućnošću partnerstva sa pravnim i fizičkim licima kao potencijalnim osnivačima prihvatilišta za nezbrinute životinje
6. Izvor sredstava: Budžet SBK za 2025. godinu
- Budžet Kantonalnog ministarstva poljoprivrede vodoprivrede i šumarstva („Službene novine SBK, broj: 9/25)
7. Nosilac Programa: Kantonalno ministarstvo poljoprivrede, vodoprivrede i šumarstva SBK/KSB
8. Odgovorna osoba: Advan Akeljić dipl.iur. ministar

PROGRAM UTROŠKA SREDSTAVA IZ BUDŽETA SBK/KSB ZA 2025. GODINU (tekući transferi drugim nivoima vlasti i fondovima – poticaji veterinarstvu-zakonske obaveze)

I ZAKONSKI OSNOV ZA DONOŠENJE PROGRAMA

Na osnovu odredbi Zakona o veterinarstvu («Službeni novine F BiH», broj : 46/00) kantonalno Ministarstvo poljoprivrede, vodoprivrede i šumarstva prati stanje, pojave i kretanje zaraznih oboljenja životinja na teritoriju kantona kao epizootiološkom području.

Na osnovu člana 30. Zakona o zaštiti i dobrobiti životinja („Službeni glasnik BiH“, broj 25/09) u provođenju mjere zbrinjavanja, zdravstvene zaštite i dobrobiti životinja sredstva za finansiranje skloništa i higijenskih servisa se osiguraju u Budžetu kantona.

Članom 37.

stav 1. Zakona o izvršenju Budžeta Srednjobosanskog kantona („Službene novine SBK/KSB“, broj 9/25) je utvrđeno da će se navedena sredstva koristiti u skladu sa Programom utroška koji donosi Vlada.

II IZVORI I VISINA SREDSTAVA IZ KOJH SE FINANSIRA PROGRAM

Iznos sredstava:

100.000,00 KM

Sredstva predviđena ovim Programom osigurana su u Budžetu SBK, i to:

- Budžeta SBK/KSB za 2025. godinu u kojem je na stavci Tekući transferi drugim nivoima vlasti I fondovima - poticaji veterinarstvu (zakonske obaveze) u razdjelu 19. budžetska organizacija 01, potrošačka jedinica 0001, ekonomski kod 6141, izvor finansiranja-kod 10, subanalitički kod JAL 004 planiran iznos od **100.000,00 KM.**

III AKTIVNOSTI IZ PROGRAMA – SVRHA I CILJEVI

U skladu sa epizootiološkom situacijom na području Srednjobosanskog kantona, te kontinuitetom u provođenju preventivnih mjera zdravstvene zaštite životinja, ovim Programom planira se sufinansiranje i finansiranje slijedećih aktivnosti:

1. Pomoć općinama i mjesnim zajednicama u provođenju mjera zbrinjavanja, zdravstvene zaštite i dobrobiti životinja koje su propisane odredbama člana 30. Zakona o zaštiti i dobrobiti životinja („Službeni glasnik BiH“, broj 25/09). Cilj je osigurati uslove za smještaj većeg broja napuštenih životinja, osigurati bolje uslove za pružanje zdravstvene zaštite i njege životinja u prihvatilištima.

IV KRITERIJI ZA OSTVARIVANJE PRAVA

Korisnici sredstava mogu ostvariti pravo na sredstva kao pomoć u izgradnji skloništa za životinje ili kao pomoć u osiguravanju uslova za pravilno funkcionisanje skloništa koje je u upotrebi na području svoje općine.

Korisnici su obavezni dostaviti sljedeću dokumentaciju:

- Dozvolu za formiranje skloništa izdatu od nadležnog organa (ukoliko je sklonište odobreno dozvolom nadležnog organa),
- Program sa specifikacijom troškova u 2025. godini sa pregledom konkretnih aktivnosti nabavka opreme, veterinarskih lijekova i materijala za pružanje zaštite i dobrobiti životinja (ukoliko je sklonište u izgradnji).

Zahtjev sa propisanim prilogima dostavlja se na protokol Srednjobosanskog kantona neposredno ili putem pošte najkasnije do 20.12.2025. godine.

Procjenu zahtjeva i visinu naknade prema ovom Programu procjenjivat će komisija čije članove imenuje ministar posebnim Rješenjem. Nakon razmatranja zahtjeva Komisija procjenjuje opravdanost zahtjeva, predlaže ministru iznos sredstava, i nakon Odluke Vlade o izdvajanju šalje u Ministarstvo finansija na isplatu.

V NADZOR

Nadzor nad provođenjem mjera po ovom Programu vršiti će kantonalna veterinarska inspekcija.

VI

Ovaj Program stupa na snagu danom donešenja i objavit će se u Službenim novinama SBK/KSB.

Broj: 06-20-9549/25
Datum, 22.10.2025. godine

